

洪陽洞記

洪經奎

環宜皆山也西十五里層巒疊翠為一邑之巨鎮者七星峰也
三峰之麓肇闢石洞為邑中之勝槩者洪陽洞也洞之名始於
晉葛洪婁陽蓋二仙嘗棲真焉故洞兼名之也為洞七十有二
門腹森然次第區別洞口東向去地數仞初洞平夷明爽時引
天光二洞轉西頗有曙色三洞南下閬躄深邃闇若夜半秉燭
乘樺方可履歷至第五洞歧而為二東則峻坎峻屹洞十而止
的皜如殼此洞天之高處也西則崎嶇深險洞之十二高廣欹
斜此洞天之深處也旁斷一竇長狹深窅適道而越洞復豁然
此洞天之闕隘也嗣是羣洞相望一水橫斷靜碧澄止宛如弱

道藏輯要

天下名山記
江西洪陽洞洪

巽

軫集三

水此洞天之奇處也揭水而南渡連數里兩竹篙聲逼昌山渡
此洞天之盡處也洞中劃奇刻怪形態萬狀勢如剡剡一塵不
染萬籟無聲觸目動靜輒興喜詫誠天地間一奇觀也至若春
夏寒涼秋冬燠爽石燕飛晴蟋蟀吟曉此洞之四時也呵雲釀
雨發育萬物奠養人民謚綏土宇此洞之真顯也鍾奇蓄秀誕
育賢俊前後奕輝邦家攸堅此洞之神靈也著履燃藜來游來
歌塵慮盡脫日暮忘歸此洞之翫賞也玉版石壁鐫涅朱墨科
斗橫邪苔蘚封翳此洞之品題也夫以一氣震蕩之初水石噴
薄發竅生虛勢若坻埴斯洞之來久矣葛真真升之後游者雜
沓不可勝紀然皆肆心目之娛而已伊歲日月會於龍虺奎偕

令尹二三君子侍大郡侯劉公游覽於時積雨初霽四山如洗
日晃嵐銷洞門靜寂淑氣紛擾情思飄然公曰茲洞勝境也茲
來勝游也奎汝志之以紀厥盛以告來游君子於是乎記

道藏輯要

天下名山記
江西洪陽洞洪

畧

軫集三